

BASES DA CONVOCATORIA DA ÁREA DE INNOVACIÓN, PARTICIPACIÓN CIDADÁ, MOCIDADE E DEPORTES DA DEPUTACIÓN DE LUGO QUE REXERÁN A CONCESIÓN DE BOLSAS PARA DEPORTISTAS INDIVIDUAIS DA PROVINCIA DE LUGO NA ANUALIDADE 2016

A Área de Innovación, Participación Cidadá, Mocidade e Deportes da Deputación de Lugo é o órgano da Deputación que ten atribuídas as competencias en materia de Deportes.

Para impulsar a práctica deportiva, a Presidencia da Deputación, a través da Área de Innovación, Participación Cidadá, Mocidade e Deportes, convoca bolsas para a promoción e difusión do deporte, sendo consciente das dificultades dos e das deportistas lucenses de modalidades individuais, - especialmente nas etapas de iniciación- para progresaren na súa formación integral.

Nese camiño é no que se formulan as presentes bases reguladoras da concesión destas bolsas, de conformidade co disposto na Lei 38/03, de 17 de novembro, xeral de subvencións, e na Lei 9/07, de 13 de xuño, de subvencións de Galicia.

Por todo isto,

EXPOÑO

PRIMEIRO.- OBXECTO

O obxecto da presente convocatoria é establecer os criterios que regularán a convocatoria do programa: Bolsas para deportistas individuais da provincia de Lugo, anualidade 2016.

Terán a consideración de deporte de carácter individual todos aqueles deportes que, segundo a súa regulamentación, son practicados conxuntamente por un ou dous/dúas deportistas como máximo. Quedan excluídos desta convocatoria aqueles deportes practicados con vehículos a motor.

RÉXIME DA CONVOCATORIA

As bolsas para deportistas individuais da provincia de Lugo na anualidade 2016, teñen por obxecto a cobertura de custos (código obxecto 3), articularanse na modalidade bolsas código instrumento axuda SUBV) sen contraprestación en réxime de concorrencia competitiva, sendo esta un tipo de subvención non cualificable como axuda de Estado a empresa (código tipo de subvención 1), encadrada dentro do sector económico das actividades deportivas (código sector económico 93.1) cunha finalidade de promoción deportiva (código finalidade 18), prevendo unha diminución ou eliminación das desigualdades detectadas e contribuíndo aos obxectivos das políticas de igualdade (código do impacto de xénero 3).

Pódese consultar a Ordenanza Xeral de Subvencións da Deputación de Lugo na web desta entidade local, en concreto na seguinte dirección:

http://www.deputacionlugo.org/porta1 localweb_ag/p_20 contenedor1.jsp?seccion=s fdes_d4 v1.jsp&tipo=6&&contenido=30233&nivel=1400

SEGUNDO.- DESTINATARIOS

Poderán acceder ás presentes bolsas todos e todas os/as deportistas da provincia de Lugo, que posuían ficha federativa durante o ano 2015 e que desde o día 1 de xaneiro até o 31 de decembro

do 2015, participaran en competicións deportivas oficiais tanto de carácter provincial, galego, estatal como internacional e manteñan na data de presentación de solicitudes a súa actividade competitiva oficial e federada.

Dado que as distintas modalidades deportivas teñen un calendario de competicións diferente, para os efectos da presente convocatoria, establécese como tempada o período que vai desde o 1 de xaneiro de 2015 até o 31 de decembro do 2015.

Os/as aspirantes deberán cumprir os seguintes:

A. Requisitos persoais.

1. Ter residencia en calquera dos municipios da provincia de Lugo, durante o ano 2015.
2. Estaren federados no período para o que se solicita a axuda, é dicir, ano 2015, e na data de solicitude da bolsa (ano 2016), dentro da modalidade que practiquen.
3. Estar ao corrente nas obrigas tributarias coa Facenda estatal e autonómica, así como estaren ao corrente das obrigas coa Seguridade Social e coa Deputación Provincial.
4. Os establecidos no artigo 13 da Lei xeral de subvencións e aplicables no presente caso.
5. Non estar cumprindo sanción firme por infracción disciplinaria ou administrativa en materia deportiva, cualificada como grave ou moi grave.

B. Requisitos deportivos.

1. Ter competido como mínimo en catro probas oficiais da modalidade deportiva pola que se solicita a bolsas. As citadas probas deben ter carácter oficial e estaren baixo o amparo da federación correspondente, circunstancia que deberá acreditar a respectiva federación deportiva.

Deste último requisito de número mínimo de probas quedan excluídos:

- a. Todos os/as deportistas integrados no GRUPO D.
- b. Aqueles/as deportistas que presenten solicitude en modalidades e especialidades deportivas como *boxeo, maratón, ironman, ultratrail, ultraman, titan desert* e outras análogas a considerar pola Comisión de Valoración, que polas súas características e esixencias de desgaste físico limiten por motivos de saúde a realización de varias probas no mesmo ano.

Estas bolsas non serán compatíbeis con outras axudas públicas da Deputación de Lugo para a mesma finalidade.

As bolsas reguladas nas presentes bases concederanse en réxime de concorrencia competitiva e baixo os principios de obxectividade, transparencia, igualdade, non discriminación, eficacia e eficiencia.

Tendo en conta as características e obxectivos das presentes bolsas, establécese 4 grupos de beneficiarios segundo a idade dos/das aspirantes a data de 31 de decembro de 2015:

GRUPO A, até 16 anos (todos os/as nacidos no ano 1999 e posteriores). Para este grupo destinaranse un total de 40.000,00 €, do orzamento total da convocatoria.

GRUPO B, de 17 até 25 anos (nacidos/as no período comprendido entre o ano 1990 e 1998, ambos os dous incluídos). Para este grupo destinaranse 20.000,00 €, do orzamento total da convocatoria.

GRUPO C, de 26 até 35 anos (nacidos/as no período comprendido entre o ano 1980 e 1989, ambos os dous incluídos). Para este grupo destinaranse 5.000,00 €, do orzamento total da convocatoria.

GRUPO D:

1. Deportistas con discapacidade,- sen límite de idade-, que participen nas distintas competicións e disciplinas.

Para este grupo D destinaranse 10.000,00 € do total do orzamento da convocatoria.

As bolsas terán un importe máximo de 2.000,00 € e un importe mínimo de 300 € cada unha delas.

Tendo en conta o orzamento previsto da actuación e o importe mínimo e máximo determinado por estas bases para cada unha das bolsas, o número máximo de bolsas a conceder será de duasetentas cincuenta, de acordo co criterio de puntuación total, -de maior a menor-, acadada por cada solicitante en base aos criterios de valoración do punto sétimo das presentes bases.

Dado que o número máximo de bolsas a conceder é de 250 bolsas, unha vez valoradas todas as solicitudes, o valor do punto será o resultante de dividir o total do crédito orzamentario establecido para esta convocatoria (75.000 €) entre a suma total dos puntos acadados polos douscentos cincuenta mellores resultados globais de todos/as deportistas solicitantes.

En consecuencia, o importe da bolsa a conceder, no seu caso, derivará do resultado de multiplicar o valor do punto, polos puntos conseguidos totais por cada solicitante, de acordo co baremo establecido.

De quedaren remanentes nalgún dos grupos establecidos, procederáse á aplicación do seu reparto proporcional entre os distintos solicitantes, sempre de acordo co máximo e mínimo establecido por bolsa e de xeito proporcional aos puntos obtidos por cada un deles.

No suposto de se acadar o límite máximo de bolsas a conceder indicado anteriormente, - para a determinación da relación de deportistas bolseiros/as-, e para os exclusivos efectos de que se produza calquera empate na determinación da puntuación total de cada un dos beneficiarios/as, procederáse de xeito excepcional á valoración dos sucesivos mellores resultados de cada un deles até que se produza o referido desempate e de acordo co seguinte detalle e orde:

- Mellor resultado no campionato do mundo
- Mellor resultado no campionato de Europa
- Mellor resultado no campionato de España
- Mellor resultado no campionato provincial
- Menor idade do/da solicitante

TERCEIRO.- CONTÍA E CRÉDITO ORZAMENTARIO

A dotación orzamentaria total da presente convocatoria é de 75.000,00 €, distribuídos segundo o establecido no punto segundo das presentes bases.

As presentes bolsas convócanse con cargo á aplicación orzamentaria 3410/481, segundo se recolle no Plan Estratéxico de Subvencións dentro da liña B.1, actuación E), da Área de Benestar Social e Deporte, denominada agora, Innovación, Participación Cidadá, Mocidade e Deporte.

CUARTO.- DOCUMENTACIÓN, FORMA E PRAZO DE PRESENTACIÓN DAS SOLICITUDES.

As solicitudes, presentaranse conforme ao modelo oficial, que figura no Anexo I, no Rexistro Xeral da Deputación ou ben a través dos medios establecidos na Lei 30/1992, de 26 de novembro, do procedemento administrativo común das administracións públicas, e en todo caso, ao abeiro do disposto na Lei 39/2015 de 1 de outubro, do Procedemento Administrativo Común das Administracións Públicas.

Prazo para a presentación de solicitudes: 10 días hábiles a contar desde o día seguinte á súa publicación do extracto da convocatoria no BOP de Lugo.

Cada deportista só poderá presentar una única solicitude (Anexo I) e optar a unha única bolsa, independentemente do número de modalidades deportivas que practique.

As solicitudes (Anexo I) virán acompañadas da seguinte documentación:

- a) Fotocopia do DNI do interesado/a (no caso de menor de idade deberán achegar tamén a Fotocopia do DNI do titor/a que asine e acompañe as autorizacións).
- b) Certificado orixinal de empadramento do/da solicitante no concello da provincia de Lugo correspondente.
- c) Declaración responsable de estar ao corrente das obrigas coa Axencia Tributaria estatal, coa facenda galega, coa Seguridade Social e co Servizo de Recadación Provincial. (Anexo V)
- d) Declaración xurada das subvencións ou axudas solicitadas ou percibidas polo/a solicitante por parte doutras entidades públicas ou privadas (nacionais ou estranxeiras) para o financiamento da actividade para a que se solicita a bolsa (Anexo II).
- e) Declaración xurada de non estar incurso en prohibición para obter a condición de beneficiario da subvención conforme ao disposto no art. 13 da Lei xeral de subvencións. (Anexo II).
- f) No caso de ser beneficiario/a de subvencións anteriores, declaración xurada que acredite o cumprimento das obrigas inherentes ás mesmas (Anexo II).
- g) Cubrir o Modelo 145 referido ao IRPF. Retencións sobre rendementos de traballo. (Axencia Tributaria Estatal).
- h) Documento bancario acreditativo da titularidade da conta bancaria, no que necesariamente figurará o solicitante.
- i) Certificado federativo que acredite a posesión da correspondente licenza, ou fotocopia compulsada da licenza federativa, que acrediten a vixencia da citada licenza no período indicado no punto segundo desta convocatoria, relativo aos requisitos dos/das aspirantes.

- j) Certificación expedida pola respectiva federación correspondente, dos resultados obtidos polo/a solicitante no período comprendido desde o 1 de xaneiro até o 31 de decembro de 2015, obxecto da convocatoria. O referido certificado deberá reflectir a consideración oficial da proba, as probas disputadas e de xeito explícito indicará o tipo de proba, posto, categoría e nivel de cada unha das probas.
- k) Se é o caso, certificación da federación correspondente da inclusión do/a solicitante no ránking provincial, galego, estatal ou internacional, con indicación do posto que neste ocupe.
- l) A Unidade Administrativa recadará de oficio da Tesouraría Provincial a información de atoparse ao corrente nas obrigas tributarias.
- m) Autorización asinada para a solicitude,-no seu caso-, das correspondentes certificacións por parte da Área de Deportes de estar ao corrente das obrigas coa Axencia Tributaria estatal, coa facenda galega, coa Seguridade Social e co Servizo de Recadación Provincial. (Anexo III)
- n) Declaración xurada da condición ou non de deportista profesional. (Anexo IV).

Os anexos que figuran na documentación requirida estarán a disposición das persoas solicitantes na Área de Innovación, Participación Cidadá, Mocidade e Deportes da Deputación de Lugo, así como na páxina web da Excm. Deputación Provincial de Lugo, www.deputacionlugo.org

A presentación das solicitudes supón a aceptación incondicional das presentes bases e das condicións, requisitos e obrigas contidas nelas.

A concorrencia ao proceso de concesión das bolsas implicará a manifestación tácita do consentimento inequívoco ao tratamento de datos de carácter persoal e a súa publicación de acordo co previsto na Lei orgánica 15/99, de 13 de decembro, de protección de datos de carácter persoal.

A finalidade da recollida e tratamento dos datos persoais será estritamente a xestión de tramitación do expediente correspondente.

QUINTO.- PROCEDEMENTO

Unha vez presentada a solicitude, os servizos técnicos da Área de Innovación, Participación Cidadá, Mocidade e Deportes da Deputación de Lugo, revisarán a documentación achegada. No caso de estar incompleta ou conter erros, requirirase aos/ás solicitantes para que no prazo de dez días hábiles, acheguen os documentos preceptivos ou remedien a falta, con indicación de que se transcorrido o prazo non o fixeran, procederase ao arquivo da solicitude.

SEXTO.- AVALIACIÓN DAS SOLICITUDES

A área de Innovación, Participación Cidadá, Mocidade e Deporte desta Deputación Provincial de Lugo será a encargada de instruír e tramitar os respectivos expedientes. Para tal efecto constituirase unha Comisión de Avaliación que se encargará da valoración das solicitudes presentadas e formulará unha proposta a través do órgano instructor consonte ao disposto no Artigo 24 da Lei 38/2003, do 17 de novembro, Xeral de Subvencións.

A devandita Comisión estará composta por tres funcionarios da Deputación de Lugo, a Sra. Interventora e Sr. Secretario Xeral da Deputación Provincial.

As regras de funcionamento da Comisión serán as recollidas na Lei 40/2015, de 1 de outubro, do 1 de outubro, de réxime xurídico do sector público.

Os funcionarios da Deputación que se integrarán na sinalada Comisión de avaliación serán designados por Resolución da Presidencia, que precisará quen ostentará a Presidencia.

Revisados os expedientes e completados, de ser o caso, remitiranse á Comisión de Valoración para que esta proceda á súa avaliación e informe, no que se concretará o resultado da avaliación efectuada.

Con posterioridade, e antes de elevar a proposta para a súa concesión, deberá ser convocada a Comisión política das subvencións de concorrencia competitiva de Deporte, a efectos de informar e dar conta da proposta que se formule.

O órgano instrutor, elevará á Xunta de Goberno da Deputación para a súa aprobación o informe da comisión de valoración xunto coa proposta de resolución.

A proposta, que non terá carácter vinculante, deberá expresar o/a solicitante ou a relación de solicitantes para os que se propón a concesión da bolsa, e a súa contía, debendo facer constar –de xeito expreso – a desestimación do resto das solicitudes, se e o caso, segundo os principios de publicidade, transparencia, concorrencia, obxectividade, igualdade e non discriminación, establecendo a orde de puntuación para os posíbeis bolseiros/as suplentes, para os efectos de se producir algunha renuncia.

Unha vez valoradas todas as solicitudes por parte da Comisión de Valoración, o Presidente da Deputación de Lugo, proporalle a concesión das bolsas á Xunta de Goberno, quen resolverá. A resolución notificaráselles aos solicitantes.

O prazo máximo para resolver e notificarlles aos interesados/as a resolución do procedemento, será como máximo, con data 31 de decembro de 2016. Transcorrido o citado prazo sen que se adopte resolución expresa, entenderase desestimada.

A aceptación da bolsa concedida entenderase efectuada se no prazo de 15 días hábiles contados a partir do seguinte hábil ao da notificación da resolución non renunciaron a ela expresamente mediante escrito dirixido á Área de Innovación, Participación Cidadá, Mocidade e Deportes.

SÉTIMO.- CRITERIOS DE VALORACIÓN

Os resultados a valorar deberán cinxirse exclusivamente á modalidade deportiva para a que se solicita a bolsa e na que o/a deportista teña a correspondente ficha federativa. De acordo co punto segundo das presentes bases, puntuarase a participación nas competicións provinciais, galegas, estatais e internacionais no período que vai desde o día 1 de xaneiro de 2015 até o 31 de decembro do mesmo ano. Todos os/as solicitantes deberán acreditar a súa participación e resultados con certificación da federación correspondente. Á hora de realizar a valoración cualificaranse os resultados acadados por cada deportista nas respectivas probas individuais e segundo o baremo establecido.



POSTO	PROBAS CAMPIONATO DO MUNDO	RANKING ATA 10º CLASIFICADO CAMP. DO MUNDO	PROBAS CAMPIONATO DE EUROPA	RANKING ATA 10º CLASIFICADO CAMP. DE EUROPA	PROBAS CAMPIONATO DE ESPAÑA	RANKING ATA 10º CLASIFICADO CAMP. DE ESPAÑA	PROBAS CAMPIONATO GALEGO	RANKING ATA 10º CLASIFICADO CAMP. GALEGO	PROBAS CAMPIONATO DE GALIÇA
1º	60	10	40	7	30	5	20	3	10
2º	54	9	36	6,3	27	4,5	18	2,7	9
3º	48	8	32	5,6	24	4	16	2,4	8
4º	42	7	28	4,9	21	3,5	14	2,1	7
5º	36	6	24	4,2	19	3	12	1,8	6
6º	30	5	20	3,5	16	2,5	10	1,5	5
7º	24	4	16	2,8	13	2	8	1,2	4
8º	18	3	12	2,1	10	1,5	6	0,9	3
9º	12	2	8	1,4	7	1	5	0,6	2,5
10º	10	1	6	0,7	5	0,5	3	0,3	2
Por participación en probas do respectivo campionato, a partir do undécimo posto (incluído)	5		4		3		2		1

OITAVO.- RESOLUCIÓN, PUBLICIDADE E RECURSOS

A resolución porá fin á vía administrativa e contra ela os/as interesados poderán interpoñer recurso de reposición ante o mesmo órgano no prazo dun mes desde a notificación, ou ben alternativamente recurso contencioso-administrativo, diante do Xulgado Contencioso-Administrativo de Lugo, no prazo de dous meses, contados dese o día seguinte á referida notificación.

A resolución do procedemento non se fará pública, de acordo co punto 3, apartados c) e d) do artigo 18 da Lei 38/2003 xeral de subvencións.

A resolución que poña fin ao procedemento deberá expresar a relación de solicitantes aos que se lle conceden as bolsas, podendo designar ademais os adxudicatarios suplentes, en orde de prioridade, e maila relación de solicitudes desestimadas, se for o caso, segundo establece o artigo 25 da Lei xeral de subvencións.

NOVENO.- PAGAMENTO DAS BOLSAS

O pagamento das bolsas farase nun único pagamento previa proposta efectuada polo Presidente da Deputación de Lugo, e tras un informe do xefe de servizo de Deportes da Área de innovación, Participación Cidadá, Mocidade e Deportes, no que se fará constar a existencia e custodia dentro da Unidade Administrativa, da documentación requirida aos solicitantes no punto cuarto das Bases e achegar copia da documentación contida na base cuarta, puntos a), c), d), e), f), g), h), l), e n) ao Servizo de Intervención.

Non haberá posibilidade de efectuar pagamentos anticipados e aboamentos a conta da bolsa concedida.

DÉCIMO.- OBRIGAS DOS BENEFICIARIOS/AS

Os beneficiarios/as das bolsas están obrigados a facilitar a información que lles sexa requirida pola Intervención Xeral da Deputación de Lugo, o Tribunal de Contas e o Consello de Contas, no exercicio das funcións de fiscalización e control de destino das referidas bolsas.

Cumprir todas as normas establecidas nos apartados anteriores. Publicitar a súa condición de receptor de bolsas da Deputación de Lugo nas competicións e actividades deportivas nas que participe, a través da indumentaria ou en calquera outro elemento susceptible de portar imaxe.

UNDÉCIMO.- RENUNCIA, REVOGACIÓN E REINTEGRO DE CANTIDADES.

A renuncia á bolsa por parte do beneficiario/a, unha vez iniciado o goce deste, deberalle ser comunicada mediante o correspondente escrito ao Presidente da Deputación de Lugo, polo menos con sete días de antelación á data na que se solicite que sexa aceptada a súa renuncia. A renuncia dará lugar á devolución das cantidades percibidas, se procede, e determinará a perda dos dereitos económicos da parte da bolsa non gozada.

O persoal técnico e facultativo que coordine esta convocatoria de bolsas poderá propoñerlle ao órgano competente da Deputación de Lugo a revogación das mesmas por falta de dedicación ou incumprimento das condicións sinaladas, con base en informe debidamente motivado, podendo

anular os beneficios concedidos e solicitar a devolución das cantidades percibidas, se as houber, no prazo que establece o Regulamento Xeral de Recadación.

A adxudicación das bolsas será igualmente revogada total ou parcialmente no caso de que se comprobase que na súa concesión concorreu ocultación, falsidade de datos, ou que existen incompatibilidades con outros beneficios desta clase procedentes doutras persoas físicas ou xurídicas.

A solicitude das bolsas implica o coñecemento e aceptación do disposto nestas bases.

DUODÉCIMO.- RÉXIME XURÍDICO

Para todos aqueles extremos non previstos nestas bases da convocatoria, aplicarase a Lei 38/2003, de 17 de novembro, xeral de subvencións, e con carácter supletorio a Lei 39/2015, do 1 de outubro, do procedemento administrativo común das administracións públicas; o RD 887/06, de 21 de xullo polo que se aproba o regulamento de subvencións; a Lei 9/2007, de 13 de xuño, de subvencións de Galiza; a Ordenanza xeral de subvencións da Excma. Deputación Provincial de Lugo, aprobada por acordo do Pleno de data 28 de febreiro de 2005; o Regulamento Orgánico da Deputación; as Bases de execución do orzamento e a normativa sobre delegación de competencias e atribucións dos órganos de goberno da Deputación vixentes no momento da concesión, así como a demais normativa vixente que resulte de aplicación.

Autorízase ao órgano competente da Deputación de Lugo para ditar, no ámbito das súas competencias, as resolucións precisas para o desenvolvemento destas bases da convocatoria e o inicio.

Lugo, 10 de outubro de 2016

O Presidente

Darío Campos Conde

O Secretario Xeral

Manuel Castiñeira Castiñeira